



Broj: 0101-7584-7-LOT 2./20  
Sarajevo, 10. 08. 2020. godine

Na osnovu člana 69. stav (1) tačka b), 69. stav (2) tačka e) i 70. stav (1), (4) i (6) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog otvorenog postupka za javnu nabavku robe: LOT 2. Mape za diplome, na preporuku Komisije za javnu nabavku broj: 0101-7584-6-LOT 2./20 od 10. 08. 2020. godine, rektor Univerziteta u Sarajevu je d o n i o

## **ODLUKU o poništenju postupka nabavke**

### **Član 1.**

Prihvata se preporuka Komisije za provođenje postupka javne nabavke broj: 0101-7584-6-LOT 2./20 od 10. 08. 2020. godine i poništava otvoreni postupak javne nabavke robe: LOT 2. Mape za diplome, iz razloga što je cijena ponude ponuđača Kemigrafika-Trade d. o. o. Radnička 19c, 71000 Sarajevo u iznosu od 27.000,00 KM bez PDV-a znatno veća od procijenjene vrijednosti nabavke za LOT 2. koja iznosi 13.000,00 KM bez PDV-a, odnosno znatno viša od osiguranih sredstava za predmetnu nabavku, u skladu sa članom 69. stav (1) tačka b) i članom 69. stav (2) tačka e) Zakona o javnim nabavkama Bosne i Hercegovine.

### **Član 2.**

Ova Odluka će biti objavljena na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama BiH.

### **Član 3.**

Ova Odluka stupa na snagu danom donošenja.

## **Obrazloženje**

Na osnovu Odluke o pokretanju postupka javne nabavke broj: 0101-7584-1/20 od 21. 07. 2020.godine, Univerzitet u Sarajevu je pokrenuo otvoreni postupak za javnu nabavku robe: Papir i štampanje obrazaca diploma I, II, III ciklusa studija i Mape za diplome.

Postupak je podijeljen u 2 (dva) LOT-a:

LOT 1. Papir i štampanje obrazaca diploma I, II, III ciklusa studija i  
LOT 2. Mape za diplome.

Za provođenje postupka predmetne javne nabavke, Odlukom broj: 0101-7584-2/20 od 21. 07. 2020.godine, imenovana je Komisija za provođenje predmetnog postupka javne nabavke.

Obavještenje o nabavci broj: 999-1-1-83-3-69/20 objavljeno je na Portalu javnih nabavki dana 21. 07. 2020. godine i u „Službenom glasniku BiH“ broj: 44 od 24. 07. 2020. godine (obavijest broj: S1-13658-20).

Dana 21. 07. 2020. godine na Portalu javnih nabavki objavljena je i Tenderska dokumentacija broj: 0101-7584-3/20.

Iz Izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 06. 08. 2020. godine u 10:02 sati, vidljivo je da su, u periodu koji je ostavljen za dostavljanje ponuda, sa Portala javnih nabavki, Tendersku dokumentaciju preuzeli slijedeći potencijalni ponuđači: BBS EUROPE Hilendarska 13/10, 71123 Istočno Sarajevo; EKAPIJA d. o. o. 76300 Bijeljina, Bulevar Mihajla Pupina 10a, Novi Beograd, Srbija; INTEA BH d. o. o. Srđana Aleksića 22, 71000 Sarajevo; DEFTER d. o. o. Gatačka 20, 71000 Sarajevo; Štamparija Fojnica d. d. Prokoški put bb, 71270 Fojnica; TMP DRUŠTVO ZA ZAPOŠLJAVANJE SLIJEPIH I SLABOVIDNIH LICA d. o. o. Ramiza Salčina 2, 71000 Sarajevo; GRAFIČAR d. o. o. Bihać Plješevička 2D, 77204 Bihać; R&S d. o. o. Igmanska b.b., 71320 Vogošća; GRAFOTEX d. o. o. Braće Potkonjaka bb, 78101 Banja Luka; KEMIGRAFIKA-TRADE d. o. o. Radnička 19c, 71000 Sarajevo; GRAFIKA ŠARAN d. o. o. Srđana Aleksića 28, 71000 Sarajevo; PLAN PLUS d. o. o. Dr. Hasana Muminagića 2-a, 72000 Zenica; "MELIGRAFPRINT" d. o. o. Zmaja od Bosne bb, Poslovni inkubator br. A6, 72000 Zenica; AERO EXCLUSIVE d. o. o. Kolodvorska 12, 71000 Sarajevo; "IC ŠTAMPARIJA" d. o. o. Karadžobegova 1, 88104 Mostar i "SVJETLOSTKOMERC" d.d. Muhameda Kantardžića broj 3, 71000 Sarajevo.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 06. 08. 2020. godine u 10:03 sati, vidljivo je da u periodu koji je ostavljen za dostavljanje pitanja i odgovora (do datuma: 01. 08. 2020. godine), od strane potencijalnih ponuđača **nije bilo postavljenih pitanja** za pojašnjenje Tenderske dokumentacije broj: 0101-7584-3/20 od 21. 07. 2020.godine.

Na Tendersku dokumentaciju broj: 0101-7584-3/20 od 21. 07. 2020.godine **nije bilo žalbi** od strane potencijalnih ponuđača.

Uvidom u Zapisnik o preuzimanju uzoraka, utvrđeno je da su u prostorijama Univerzitetskog tele-informatičkog centra, Zmaja od Bosne 8 (objekat br. 33) u Kampusu Univerziteta u Sarajevu, uzorke za LOT 2. Mape za diplome, preuzeli predstavnici slijedećih zainteresovanih ponuđača:

1. Štamparija Fojnica d. d. Prokoški put bb, 71270 Fojnica - dana 24. 07. 2020. godine;
2. KEMIGRAFIKA-TRADE d. o. o. Radnička 19c, 71000 Sarajevo dana 28. 07. 2020. godine;
3. GRAFIKA ŠARAN d. o. o. Srđana Aleksića 28, 71000 Sarajevo, dana 29. 07. 2020. godine
4. GRAFIČAR d. o. o. Bihać Plješevička 2D, 77204 Bihać – dana 30. 07. 2020. godine.

Iz Zapisnika o otvaranju ponuda je vidljivo da je dana 06. 08. 2020. godine u 10:15 sati Komisija za javnu nabavku, po redoslijedu prijema, izvršila javno otvaranje blagovremeno prispjelih ponuda slijedećih ponuđača:

R. br.	Naziv i sjedište ponuđača LOT 2. Mape za diplome	Broj prijemnog protokola	Datum i vrijeme prijema ponude
1.	Štamparija Fojnica d. d. Prokoški put bb, 71270 Fojnica	0101-8108/20	05. 08. 2020. godine u 11:15 sati
2.	Kemigrafika-Trade d. o. o. Radnička 19c, 71000 Sarajevo	0101-8110/20	06. 08. 2020. godine u 08:40 sati
3.	GRAFIČAR d. o. o. Bihać Plješevička br. 2D, 77204 Bihać	0101-8113/20	06. 08. 2020. godine u 08:45 sati

Na javnom otvaranju ponuda je bio prisutan predstavnik ponuđača Kemigrafika-Trade d. o. o. Radnička 19c, 71000 Sarajevo. Od strane prisutnih na javnom otvaranju ponuda, nije bilo primjedbi na postupak otvaranja i ostale priopćene informacije. Zapisnik sa javnog otvaranja ponuda je dana 07. 08. 2020. godine, putem e-maila i putem pošte upućen ponuđačima koji su blagovremeno dostavili ponude. U Zapisniku o otvaranju ponuda je konstatovano da nije bilo neblagovremenih ponuda.

Komisija za javnu nabavku je u Zapisniku o otvaranju ponuda sačinila sažetak ponuda primljenih u roku po redoslijedu prijema:

R. br.	Naziv i sjedište ponuđača LOT 2. Mape za diplome	Ponuđeni popust	Ukupna cijena ponude
1.	Štamparija Fojnica d.d. Prokoški put bb, 71270 Fojnica	0,00 KM	21.200,00 KM bez PDV-a 3.604,00 KM=PDV 24.804,00 KM sa PDV-om
2.	Kemigrafika-Trade d. o. o. Radnička 19c, 71000 Sarajevo	0,00 KM	27.000,00 KM bez PDV-a 4.590,00 KM=PDV 31.590,00 KM sa PDV-om
3.	GRAFIČAR d. o. o. Bihać Plješevića br. 2D, 77204 Bihać	0,00 KM	13.000,00 KM bez PDV-a 2.210,00 KM=PDV 15.210,00 KM sa PDV-om

Iz Zapisnika Komisije za javnu nabavku je vidljivo da je Komisija započela sa pregledom ponuda dana 07. 08. 2020. godine u 10:00 sati, radi ocjene ponuda, odnosno da bi utvrdila da li su ponuđači ispunili uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije, te da li su kvalifikovani za nabavku predmetne robe.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponuda i dostavljene dokumentacije Komisija za javne nabavke je ocjenila:

1. Ponuđač Štamparija Fojnica d. d. Prokoški put bb, 71270 Fojnica, je dostavio Potvrdu kako je traženo Tačkom 25. Tenderske dokumentacije, tako da se na ponudu ponuđača **primjenjuje** preferencijalni tretman domaćeg;
2. Ponuđač Kemigrafika-Trade d. o. o. Radnička 19c, 71000 Sarajevo, nije dostavio Potvrdu kako je traženo Tačkom 25. Tenderske dokumentacije, tako da se na ponudu ponuđača **ne primjenjuje** preferencijalni tretman domaćeg;
3. Ponuđač GRAFIČAR d. o. o. Bihać Plješevića br. 2D, 77204 Bihać, je dostavio Potvrdu kako je traženo Tačkom 25. Tenderske dokumentacije, tako da se na ponudu ponuđača **primjenjuje** preferencijalni tretman domaćeg.

Iz Zapisnika o pregledu i ocjeni ponuda je vidljivo da je Komisija za javnu nabavku, nakon provjere računске ispravnosti ponuda, utvrdila i ocjenila:

1. Ponuda ponuđača Štamparija Fojnica d. d. Prokoški put bb, 71270 Fojnica je RAČUNSKI ISPRAVNA;
2. Ponuda ponuđača Kemigrafika-Trade d. o. o. Radnička 19c, 71000 Sarajevo je RAČUNSKI ISPRAVNA;
3. Ponuda ponuđača GRAFIČAR d. o. o. Bihać, Plješevića br. 2D, 77204 Bihać je RAČUNSKI ISPRAVNA.

Nakon pregleda ponuda, Komisija za javnu nabavku je u Tački 11. Zapisnika o pregledu i ocjeni ponuda uradila detaljan analitički prikaz traženih i dostavljenih dokumenata na osnovu kojih se utvrđuje da li postoje razlozi isključenja ponuđača, pa je na osnovu navedenog Komisija ocijenila da je:

1. Ponuda ponuđača Štamparija Fojnica d. d. Prokoški put bb, 71270 Fojnica, **NEPRIHVATLJIVA**;
2. Ponuda ponuđača Kemigrafika-Trade d. o. o. Radnička 19c, 71000 Sarajevo, **PRIHVATLJIVA**;
3. Ponuda ponuđača GRAFIČAR d. o. o. Bihać, Plješevića br. 2D, 77204 Bihać, **NEPRIHVATLJIVA**.

Komisija za javnu nabavku je izvršila rangiranje prihvatljive ponude ponuđača na slijedeći način:

Redni br. na rang listi	Naziv i sjedište ponuđača LOT 2. Mape za diplome	Ponudeni popust	Ukupna cijena ponude
1.	Kemigrafika-Trade d. o. o. Radnička 19c, 71000 Sarajevo	0,00 KM	27.000,00 KM bez PDV-a 4.590,00 KM=PDV 31.590,00 KM sa PDV-om

Komisija za provođenje postupka nabavke je cijenila pravilnu primjenu člana 3. stav (1) Zakona o javnim nabavkama, koji obavezuje ugovorni organ da postupno transparentno, da se u postupku javne nabavke prema ponuđačima ponaša jednako i nediskriminirajuće, na način da osigura pravičnu i aktivnu konkurenciju, **s ciljem najefikasnijeg korištenja javnih sredstava u vezi sa predmetom nabavke i njegovom svrhom.**

Na osnovu navedene odredbe i jasno utvrđenog činjeničnog stanja, Komisija za provođenje postupka javne nabavke je vodeći računa o **najefikasnijem korištenju javnih sredstava u vezi sa predmetom nabavke i njegovom svrhom**, utvrdila da je cijena ponude ponuđača Kemigrafika-Trade d. o. o. Radnička 19c, 71000 Sarajevo u iznosu od 27.000,00 KM bez PDV-a znatno veća od procijenjene vrijednosti nabavke za LOT 2. koja iznosi 13.000,00 KM bez PDV-a, odnosno znatno viša od osiguranih sredstava za predmetnu nabavku, pa u skladu sa članom 69. stav (1) tačka b) i članom 69. stav (2) tačka e) Zakona o javnim nabavkama Bosne i Hercegovine, dala preporuku rektoru Univerziteta u Sarajevu da u predmetnom postupku nabavke robe: LOT 2. Mape za diplome, donese odluku o poništenju postupka nabavke.

Iz gore navedenih razloga, primjenom člana 69. stav (1) tačka b) i člana 69. stav (2) tačka e) Zakona o javnim nabavkama Bosne i Hercegovine, prihvaćena je preporuka Komisije za javnu nabavku i odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.**

zc  
Rektor

*Wiholčić*  
Prof. dr. Rifat Škrijelj



#### **Dostaviti:**

1. Štamparija Fojnica d. d. Fojnica Prokoški put bb, 71270 Fojnica
2. Kemigrafika-Trade d. o. o. Radnička 19c, 71000 Sarajevo
3. GRAFIČAR d. o. o. Bihać Plješevička 2D, 77204 Bihać
4. Služba za javne nabavke
5. Služba za računovodstvo i finansije
6. web stranica UNSA
7. a/a

#### **Prilog:**

-Zapisnik o pregledu i ocjeni ponuda